



## **Clypevs Theologiæ Thomisticæ**

Continens Tractatus de erroribus Pelagianorum, de Gratia, de  
Iustificatione & Merito, de Virtutibus Theologicis, & quatuor Cardinalibus,  
ac de ineffabili mysterio Incarnationis

**Gonet, Jean-Baptiste**

**Parisiis, 1669**

Art. II. Quæ conditions ad meritum requirantur?

---

[urn:nbn:de:hbz:466:1-77342](#)

## ARTICVLVS II.

*Quae conditiones ad meritum requirantur?*

**T**erminata quæstione, an sit in hominibus meritum de condigno apud Deum, consequens est ut quid sit tale meritum declareremus; quod non potest à nobis melius explicari, quam conditiones ad tale meritum requisitas exponendo. Hæc autem ex tribus præcipue capitibus requiri possunt: primò ex parte actus capacis meriti: secundò ex parte hominis merentis: tertio ex parte Dei apud quem meretur. Ex parte actus tres requiriuntur conditiones, nempe quod sit liber, bonus, & utilis alteri, seu factus in obsequium alterius. Ex parte hominis merentis duas tantum necessarias sunt, scilicet quod sit in statu gratia habitualis seu sanctificantis, loquendo de merito beatitudinis supernaturalis, & quod sit in statu viae. Ex parte verò Dei, apud quem homo meretur, requiritur aliqua ordinatio operis meritorij ad præmium. De conditionibus primi & secundi generis agemus in hoc articulo, de ultima verò dicemus in sequenti.

## §. I.

*Exponuntur tres conditiones ex parte actus meritorij requisite.*

**D**ico primò: Ut actus sit meritorius, debet esse liber, non solum libertate imperfecta & inchoatà, que spontaneas dicitur, & solum immunitatem à coactione importat, sed etiam libertate perfecta & completâ, que indifferentiam activam, seu potentiam ad oppositum requirit.

Hac conclusio est certa de fide, definita ab Innocentio X. in sua Constitutione, ubi hanc propositionem ut hereticam proscribit: *Ad merendum & demerendum in statu naturæ lapsed non requiritur in homine libertas à necessitate, sed solum à coactione.* Eadem propositionem ut hereticam prius damnaverat S. Thomas quæst. 6. de malo art. unico, his verbis: *Quidam posuerunt quod voluntas hominis ex necessitate moveatur ad aliquid eligendum, nec tamen ponebant quod voluntas cogereretur: non enim omne necessarium est violentum, sed solum id cuius principium est exterior, unde & motus naturales inventuimus aliqui necessarij, non tamen violenti &c.* Hæc autem opinio EST HERETICA, tollit enim rationem meriti & demeriti in humanis actibus: non enim videatur esse meritorium vel demeritorium, quod aliquis sic ex necessitate agit, quod vitare non possit. Idem docet in hac parte quæst. 21. art. 3. ubi rationem meriti & demeriti ponit ut proprietatem actus moralis & humani, de cuius ratione est libertas indifferentia. Unde in solut. ad 2. docet hominem esse dominum illorum actuum per quos meretur. Et art. 4. ad 2. sic ait: *Homo sic moveatur à Deo ut instrumentum, quod tamen non excludit quin moveat seipsum per liberum arbitrium: & ideo per suum actum meretur vel demeretur apud Deum.*

Favent etiam SS. Patres: Hieronymus enim lib. 2. contra Jovinian. ait: *Vbi necessitas, nec corona, nec damnatio est.* Et Bernardus serm. 81. in Cantica: *Vbi non est libertas, nec meritum.* Unde Sapiens Eccles. 31. explicans quā ratione justus bene operando meruerit laudem, dicit: *Qui potuit*

*Tom. IV.*

A *transgredi, & non est transgressus, facere mala, & non fecit:* quia sine hac libertate indifferentia, & potentia ad agendum vel non agendum, nihil esset admiratione vel præmio dignum in operibus iustorum.

B Ratio etiam suffragatur: Primò quia esse meritorium, vel demeritorium, est proprietas quædam actus humani: Sed actus purè spontanei, & à sola coactione, non verò à necessitate immunes, non sunt propriæ humani: Ergo nec meritorij vel demeritorij. Minor probatur: *Illa actiones propriæ humanae dicuntur, qua ex voluntate deliberata procedunt, ut ait S. Thomas suprà quæst. 1. art. 1.* Sed actus purè spontanei non procedunt à voluntate deliberata, id est ex deliberatione rationis, & electione voluntatis, ut patet in amore beatissimo, vel in volitione boni ut sic: Ergo non possunt dici propriæ actus humani.

C Secundò: Inter eum qui meretur, & eum qui præmiatur, est quidam contractus; nam qui meretur, exhibet obsequium suum, qui autem præmiatur, dat mercedem: constat autem quod inter contrahentes nullus dat aliquid, nisi habeat ejus dominium, unde actus meritorius debet esse sub dominio merentis: Sed dominium voluntatis est per libertatem indifferentia, per quam in ejus potestate est agere vel non agere, aut agere hoc vel illud, ut docet S. Thomas 1. p. quæst. 81. art. 1. ad 3. dicens quod sumus domini nostrorum actuū, secundum quid possumus hoc vel illud eligere: Ergo actus meritorius debet esse liber libertate indifferentia, & non solum libertate spontaneitatis, seu immunitatis à coactione. Unde commune Theologorum proloquium est, desumptum ex Aristotele, Ethic. cap. 5. *Naturalibus neque meremur, neque demeremur.*

## §. II.

*Solvuntur objectiones.*

D **O**bicies primò: Angelus in primo instanti meruit, & tamen in eo non erat perfectè liber. Similiter Christo non fuit libertas indifferentia, & tamen in eo fuit perfectissimum meritum, ut docent Theologi, p. quæst. 19. Ergo ad meritum non requiritur libertas indifferentia, sed suffici libertas à coactione. Unde S. Thomas in 3. sent. dist. 18. quæst. 1. art. 1. ad 5. sicut ait: *Etiam si liberum arbitrium Christi esset determinatum ad unum numero, sciret ad diligendum Deum, quod non facere non posset, tamen per hoc non amittit libertatem, aut rationem laudis sive meriti, quia in illud non coacte sed sponte tendit.* & ita est actus sui dominus.

E Respondeo quod licet Angelus in primo instanti creationis non fuerit liber libertate specificacionis, seu contrarietatis ad bonum & malum, quia in illo instanti peccare non potuit, fuit tamen tunc liber libertate contradictionis, seu quoad exercitum, quod sufficit ad rationem meriti, ut in Tractatu de Angelis declaravimus. Idem dicendum de Christo: licet enim ille, ratione fuisse impeccabilitatis, non esset liber libertate contrarietatis ad bonum & malum, erat tamen liber libertate contradictionis & exercitij. Unde S. Thomas loco citato solum intendit, quod esti liberum arbitrium Christi esset determinatum ad unum, scilicet ad dilectionem Dei quoad perfectiones necessarias, poterat tamen mereri, quia cum tali determinatione remanebat liber & indifferens

17.

Disp 13  
art. 5.

Y

quantum ad exercitium, seu indifferentia & libertate contradictionis, ad eandem dilectionem Dei,  
 Dis. 2. art. 2. prout est ratio diligendi creaturem, ut in Tractatu de actibus humanis fusè exposuimus.

18. Objecies secundò: Meritum ex divina acceptatione ad premium dependet, adeò ut dato quocumque opere perfectissimo, etiam libero, si Deus non accepter illud ad vitam aeternam, non sit meritum vita aeterna: Sed Deus potest acceptare ad vitam aeternam non solum opera libera, sed etiam necessaria; ut patet in morte Sanctorum Innocentium, quam licet non liberam, sed necessariam, acceptavit Deus ad coronam martyris: Ergo actus non liber, praesertim ordinis supernaturalis, potest esse meritum.

19. Respondeo distinguendo Majorem: Meritum dependet ex divina acceptatione, tantum, negatur: ex divina acceptatione, & simul ex bonitate moraliter operis, qua libertatem indifferentia supponit, concedo Majorem; & nego Minorem intellectam de acceptatione ad gloriam tanquam ad premium. Ad probationem in contrarium subiectam, dico SS. Innocentes non habere propriè & simpliciter aureolam martyris, subinde que nec ad eam propriè & simpliciter dici posse acceptatos, sed solum ad aliquam participationem ipsius (idque non tanquam ad premium) consistentem in gaudio, quod ex mera Dei liberalitate percipiunt, videndo se esse occisos in obsequium Christi: ob quam etiam duntaxat considerationem eos Ecclesia inter Martyres numerat; sicut illos numerat inter Virgines, ob carnis integratatem in qua mortui sunt, licet eorum virginitas, sive integritas, ad promerendam aureolam virginitatis non pervenerit, defectu usus rationis & libertatis. Solutio est D. Thomae in 4. dist. 49. quest. 5. art. 3. quest. 2. ad 12.

20. Dico secundò: Ut actus sit meritum apud Deum, debet esse moraliter bonus.

Ratio hujus conclusionis est, quia opus malum non est dignum premium, sed paenam: opus vero indifferens vel nullum est in individuo, juxta probabilitatem sententiam, vel si opus indifferens in individuo admittatur, non est cur potius sit premium quam paenam dignum; nam si non meretur paenam, quia caret malitia, etiam non meretur premium, quia caret bonitate: Ergo solus actus moraliter bonus potest esse meritum apud Deum. Quod debet intelligi de bonitate plena & perfecta, ita ut ad hoc ut actus sit meritum, debeat esse bonus ex objecto, & omnibus circumstantiis: Tum quia repugnat quod unus & idem actus sit bonus ex objecto, & malus ex circumstantiis, vel contra, sed eo ipso quod male fit ex quounque capite, simpliciter malus est, nullamque bonitatem moralem obtinet, ut in Tractatu de moralitate actuum humanorum docuimus: Tum etiam quia eti daretur actum humanum posse esse simul bonum ex objecto, & malum ex circumstantiis, non esset tamen meritum apud Deum; quia talis actus, bonus & malus simul, non posset placere Deo, neque esse objectum divinæ dilectionis, ipsum ad premium acceptantis; Mundi enim sunt oculi ejus, & ad malum respicere non potest, ut dicitur Abacuc. 2. Unde de facientibus elemosynam, aut jejunantibus ex vanâ gloria, dicit Christus Math. 6. Recepserunt mercedem suam. Et D. Gregorius homil. 12. in Evang. de parabola decem Virginum, haec scribit: Compellet dicere, ut bona qua agitis, cum magna cau-

A tela teneatis: ne per hoc quod à vobis rectum geritur, favor aut gratia humana requiratur, ne appetitus laudis subrepatur, & quod foris ostenditur, intentus à mercede vacuetur.

Circa eandem conditionem addendum est, non sufficere ad rationem meriti beatitudinis supernaturalis, esse auctum bonum quomodocumque, sed requiri ipsum esse ordinis supernaturalis. Ratio est, quia media ordinata ad consecutionem aliquis, debet esse ipsi proportionata: Sed meritum habet rationem medij in ordine ad consecutionem premij: Ergo meritum beatitudinis supernaturalis debet esse supernaturale, ut servetur proportio. Sed de hoc fuisus infra dicetur, cum ostendamus ad meritum vita aeterna requiri influxum aliquem, seu imperium charitatis.

Dico tertio: Ut opus sit meritum, debet fieri in obsequium alterius, illius scilicet qui mercedem sive premium redditurus est.

Probatur breviter: Cum meritum respiciat retributionem, oportet ut retributio expectetur, & debeatur à persona determinata; quod enim à nullo debetur, à nullo jure aliquo exigitur: Sed non debetur merces ab aliqua persona, nec ab ea jure exigi potest, nisi actio ad ipsam dirigatur, & in eius obsequium cedat: Ergo ut opus sit meritum, debet fieri in obsequium alterius, & cedere in bonum, utilitatem, vel honorem illius, qui mercedem sive premium redditurus est. Et certè nullus petit aut expectat premium ab eo, ad quem actionem suam non dirigit, nec ipsa in eius obsequium vel honorem cedit. Unde S. Thomas supra quest. 21. art. 3. ait: Meritum & demerita dicuntur in ordine ad retributionem, que fit secundum iustitiam: retributio autem secundum iustitiam fit alicui ex eo quod agit in profectum vel nocumentum alterius.

Quarunt hic aliqui, utrum ad meritum requiratur necessariò aliquis actus realis & positivus; vel omissione mali, sine aliquo actu positivo, possit esse meritoria?

Ratio dubitandi est primò: Quia peccatum autem meritorium potest esse absque omni actu, ut de peccato omissionis docent aliqui ex nostris Thomistis, & videatur insinuare D. Thomas supra qu. 71. art. 5. Ergo & meritum.

Secundò: Quia si Deus præcipiat homini ut cesseret ab omni actu, per talem cessationem homo obediens Deo, atque adeò merebitur: Ergo si omni actu potest esse meritum.

Tertio: Quia duas sunt partes universalis iustitiae, scilicet facere bonum, & declinare à malo, teste D. Thomae 2. 2. quest. 79. art. 1. & Aristoteles, Ethic. cap. 5. Sed meritum responderet iustitiae: Ergo tam in omissione mali, quam in operatione boni, potest meritum inveniri. Unde Eccles. 31. laudatur & beatificatur ille, qui potuit transgredi, & non est transgressor, facere mala, & non fecit. Et additur: Ideo stabilita sunt bona illius in Domino. His tamen non obstatibus.

Dicendum est, ad meritum premium apud Deum, requiri proprium & positivum actum voluntatis. Ita contra Recentiores aliquos communiter docent nostri Thomistæ, cum Sancto Doctore supra quest. 71. art. 5. ad 1. ubi sic discutitur: Plura requiruntur ad bonum quam ad malum, eò quod bonum contingit ex tota integra causa, malum vero ex singularibus defectibus, ut Dionysius dicit cap. 4. de divin. nomin. & ideo peccatum potest

21. *comtingere, siue aliquis faciat quod non debet, A  
sive non faciendo quod debet: sed meritum non  
potest esse, nisi aliquis faciat voluntarie quod de-  
bet; & ideo meritum non potest esse sine actu, sed  
peccatum potest esse sine actu.*

22. *Confirmatur: Meritum apud Deum debet in  
gloriam ejus aliquo modo referri; quia, ut supradic-  
tum est, de ratione meriti in communione est ut  
sit in obsequium vel commodum ejus, apud quem  
est tale meritum: Sed pura carentia, sive omissio  
actus mali, non refertur in gloriam Dei, neque  
intrinsecè, cum de se sit indifferens ad hoc ut be-  
ne vel male appetatur; neque etiam ex ordinatio-  
ne operantis, qui supponitur nullum habere  
actum: Ergo non est meritoria apud Deum.*

23. *Confirmatur amplius: Per meritum homo ten-  
dit in beatitudinem: Atqui per puram carentiam,  
seu negationem actus, homo non potest tendere  
in beatitudinem, sed ad summum ab illa non re-  
cedere: Ergo illa non sufficit ad meritum, sed re-  
quiritur necessario aliquis actus positivus, in quo  
meritum fundetur. Unde*

24. *Ad primum respondeo, negando Antecedens:  
ut enim ostendimus in Tractatu de peccatis, non  
potest dari omissione culpabilis sine actu præceden-  
te, aut concomitante, qui sit causa, vel occasio  
illius. Addo quod D. Thomas supra quæst. 6. art.  
3. docet omissionem actus non esse indirecte ac  
moraliter voluntariam, nisi quando homo potest  
& tenetur aliquid facere, & sciens ac videns illud  
non facit: hoc autem accidere quidem potest in  
omissione bonorum actuum, non tamen in omis-  
sione malorum: nam in bonis actibus potest sup-  
poni potestas, & obligatio facienda; in malis autem,  
licet supponatur potestas, non potest sup-  
poni obligatio; & ideo licet detur quod omissione  
boni actus possit esse voluntaria indirecta & mor-  
aliter, abfique omni actu eam præcedente, aut  
concomitante, subindeque demeritoria & pecca-  
minola; tamen omissione mali actus non potest esse  
ita voluntaria moraliter & indirecta, ut ad meri-  
tum sufficiat, absque omni actu voluntatis, sed  
oportet esse directe voluntam per aliquem actum.*

25. *Ad secundum responderemus, quod in illa hipo-  
thesi nullo modo mereretur homo, vel Angelus,  
cessando ab omni actu, sed solùm vitaret pecca-  
tum, quod alioquin eliciendo aliquem actum  
committeret: nisi supponatur quod saltem ei per-  
mitteret Deus elicere actum interiorum, quo ab  
omni alio actu cessare vellat: in eo enim casu me-  
reretur.*

26. *Ad tertium dicendum cum D. Thoma loco in  
objectione citato in resp. ad 2. quod declinare à  
malo, secundum quod ponitur pars iustitia, non  
importat negationem puram, quod est non facere  
malum: hoc enim non meretur palmarum, sed solùm  
vitam penam. Importat autem morum voluntatis  
repudiantis malum, ut ipsum nomen declinatio-  
nis ostendit. Et hoc est meritorium, precipue quando  
aliquis impugnatur, ut malum faciat, & resi-  
statur. Unde quando in Scriptura laudatur justus,  
qui potuit transgredi, & non est transgressus, non  
laudatur præcisè propter non transgressionem le-  
gis, negativè sumptam, & quatenus est pura ca-  
rentia, sed propter voluntatem quam haber obedi-  
endi Deo in non transgrediendo legem ejus.*



Tom. IV.

§. III.

*Duo conditions ex parte personæ merentis  
necessaria explicantur.*

27. *Dico quartò: Ad actum meritorium vitæ æter-  
nae requiritur gratia in merente, non solùm  
in statu naturæ lapsi, sed etiam in statu naturæ  
integre. Ita D. Thomas hic art. 2. ubi ait quod  
hominis sine gratia duplex status considerati po-  
tent: unus quidem naturæ integræ, qualis fuit in  
Adam ante peccatum: alijs autem naturæ corrup-  
tæ, sicut est in nobis ante reparationem gratiæ.  
Et subdit, quod homo in primo statu non potest  
mereri vitam æternam sine gratia, propter unam  
rationem: quia sine illa ejus actus non ordinantur  
divinitus ad vitam æternam; cum per divinam  
providentiam non ordinantur actus creaturae ad  
ea qua excedunt proportionem principij ipsorum  
actuum, qualis est vita æterna, qua excedit  
etiam cognitionem creatam, juxta illud Apostoli  
1. ad Corinth. 2. Nec oculus vidit, nec auris au-  
divit, nec in cor hominis ascendit &c. In secun-  
do vero statu, non solùm propter hanc rationem  
non potest homo sine gratia mereri vitam æter-  
nam, sed ulterius propter impedimentum pecca-  
ti, quod cum sit quædam Dei offensa, reddit ho-  
minem Deo inviabilem & exosum: unde nihil potest  
apud ipsum mereri, nisi prius illi reconcilietur, ei-  
que gratus & acceptus reddatur per gratiam justi-  
ficantem. Quare gratia in homine existente in sta-  
tu naturæ integræ, unum tantum facit; elevat sci-  
licet hominem ad Divinorum participationem: in  
homine vero lapsi in peccatum personale, vel ori-  
ginale, duo praestat: in primis enim sanat, & re-  
conciliat hominem Deo; deinde elevat eum ad  
meritorię operandum. Unde ad Roman. 9. gratia  
dicitur *vita æterna*: quia clara Dei visio, qua est  
vita æterna, in gratia sanctificante, ut fructus in  
semine continetur. Et Joan. 4. vocatur *Fons aquæ  
salientis in vitam æternam*: quia connaturaliter  
tendit in vitam æternam, qua est ejus consumma-  
tio & ultima perfecçio, & opera iustorum per me-  
ritum de condigno ad ipsam elevat, & perducit.  
Hinc opera omnia, etiam supernaturalia, qua sine  
gratia habituali sunt, mortua vocantur: quia cum  
per gratiam non vivificantur, etiam non possunt  
vitam æternam apud Deum mereri. Hinc etiam  
Dionysius de Eccles. Hierarc. cap. 1. ait hominem  
non posse facere divina, nisi prius ipse divinus  
efficiatur: & Augustinus 4b. 1. contra duas Epist.  
Pelag. cap. 2. docet homines non recte vivere (in  
ordine scilicet ad beatitudinem, & vitam æter-  
nam) nisi effecti sint filii Dei per gratiam sanctifi-  
camentem. Hinc denique Tridentinum sess. 6. cap.  
16. haec habet: *Christus Iesus tanquam caput in  
membris, & tanquam viuis in palmite, in ipsis  
iustificatos jugiter virutem influit: que virtus bo-  
na eorum opera semper antecedit, & comitatur,  
& subsequitur; & sine qua nullo pacto Deo grata  
& meritoria esse possent.**

28. *Dico quinto: Ad meritum ex parte merentis de  
lege ordinaria requiritur status viatoris, id est  
quod homo ambuler per fidem, & non per clara-  
ram visionem, & in corpore mortali & passibili  
existat. Ita D. Thomas 2. 2. quæst. 13. art. 4. ad  
2. ubi sic habet: *Mereri & demereri pertinet ad  
statum viae.**

29. *Colligitur etiam ex Scripturæ locis, in quibus  
dicitur iudicandos esse homines, & accepturos*

X ij

præmium vel pœnam, secundum opera quæ in corpore fecerunt: 2. ad Corinth. 6. *Omnes nos manifestari oportet ante tribunal Christi, ut referat unusquisque prout gessit in corpore, sive bonum, sive malum.* Item ex alijs, in quibus momentur homines operari, quandiu dies est, & antequam nox adveniat: Joan. 9. *Me oportet operari opera ejus qui misit me, donec dies est: venit nox: quando nemo potest operari: nam ibi per diem tempus præsens vita intelligitur; per noctem vero mors, seu status post mortem, in quo nemo potest meritorie operari.* Unde Ecclesiastes 9. dicitur: *Mortui nihil noverunt amplius, nec habent ultra mercedem.* Ubi D. Hieronymus: *Morui (inquit) nihil valent ad id adipisci, quod semel secum tulere de vita &c. neque expellant aliquam retributionem atque mercedem, ultra eam scilicet quam in hoc corpore meruerunt.* Et apud Prosperum est sententia Augustini 172. *Frustra sibi homo post hoc corpus promittit, quod in hoc corpore comparare neglexit.* Denique Ecclesiastici 11. dicitur: *Vbi occiditur lignum, ibi manebit.* In quibus verbis per easum ligni mors hominis designatur, & per ejus immobilitatem & permanentiam, meritum vel demeritum hominis in alia vita non augeri vel minui declaratur.

32. Hujus conditionis nullam aliam existimo assignari posse rationem, quam divinam voluntatem, que disposuit & ordinavit dare præmium operibus via, non autem illis quæ post viam fiunt; nam si solum naturam operum consideremus, non minus videntur meritoria opera patriæ, quam via, cum in patria sint actiones liberae, & quæ magis Deo placent, & à majori charitate procedunt. Quamvis enim ipsa Dei dilectio in patria sit necessaria, & non libera, plures tamen aliae actiones liberè fiunt circa media, qua non habent necessariam connexionem cum dilectione Dei. Addo quod status via non potest ex sola rei natura definiri, sed ex consilio & ordinatione divina dependet; sicut currentibus in stadio tempus cursus & certaminis dependet ab ordinatione & determinatione Principis, vel Reipublicæ, præmia proponentis. Quo exemplo ad id explicandum uitetur Apostolus 1. ad Corinth. 9.

33. Valde tamen consentaneè ad naturam hominis præfixus est terminus via in punto mortis, & dissolutionis animæ à corpore: quia coniunctuale est animæ humanae, ut mediante corpore suam perfectionem acquirat; & in illo plures haber occasiones merendi, & pugnandi pro bravio beatitudinis comparando. Congruum est etiam, ut creaturæ intellecutæ per fidem ad visionem perveniant, & prius intellectum Deo submittant, quam ad illum videndum eleventur. Unde ad statum via, in quo solum est meritum, duo de via ordinaria requiruntur, scilicet fides, & existentia in corpore: de potentia tamen extraordinaria status via cum clara Dei visione stare potest: ut patet in Christo, qui à primo instanti sua conceptionis fuit simul viator & comprehensor; unde ejus meritum non potuit in fide fundari, sicut nostrum, sed in altiori genere cognitionis, nempe scientia infusa, aut clara Dei visione, ad Deum, ut est ratio diligendi creaturas, terminata: de quo in Tractatu de Incarnatione. Similiter quamvis respectu beatitudinis adeptæ & possesse repugnet ab intrinseco dari meritum, quia cum meritum se habeat ad præmium, ut

A via ad terminum, est ejus quod rondum habetur, ut docet S. Thomas 3. p. quest. 19. art. 3. ex quo ibidem inferit, quod Christus nec gratiam, nec scientiam infusam, nec beatitudinem animæ, nec unionem hypostaticam meruit, quia hæc omnia habuit à primo instanti conceptionis: non repugnat tamen de potentia absoluta, quod etiam in termino adeptæ beatitudinis mereatur aliquis ulteriore gradum, & augmentum illius, vel aliqua præmia accidentalia; quia licet sit in termino respectu primæ beatitudinis adeptæ, potest tamen esse in via ad ulteriore gradum, qui illi debet, vel ad aliquod præmium accidentale quo caret. Sicut Christus, quamvis à primo instanti sua conceptionis esset bonus quantum ad animam, meruit tamen gloriam corporis, & ejus immortalitatem, aliasque dones gloriae.

B Dux de potentia absoluta: quia cum beatitudo sit ex sua natura immutabilis, & mensuratur æternitate participata, non est conveniens ut semel obtenta, ulteriòris augetur, aut minuatur, & quod beati præmia aliqua accidentalia de novo mereantur, ut docet D. Thomas 1. p. quest. 61. art. 9. ad 3. ubi loquens de Angelis beatis, sic ait: *Quidam dicunt quod quamvis ad præmium accidentiale etiam mereri possunt. Sed melius est ut dicatur, quod nullo modo aliquis beatus mereri potest, nisi sit simul viator & comprehensor, ut Christus, qui solus fuit viator & comprehensor: prædictum enim gaudium (de salute eorum qui per ipsorum ministerium salvantur) magis acquirunt ex virtute beatitudinis, quam illud mereantur.*

#### §. IV.

##### *Corollarium notaru dignum.*

E X dictis sequitur, valde incertum esse ad dubium, an Enoch & Elias in paradiso terrestri degentes, de facto mereantur; quibusdam id affirmantibus, alijs vero negantibus.

D Ratio autem pro parte affirmativa est: Tum quia predicti Sancti videntur habere omnes conditiones ad meritum requisitas, tam ex parte personæ merentis, culm sicut in statu gratia, & via, quam ex parte ipsius actus meritorij, cum eorum operationes sint liberæ, bona, bonitate etiam supernaturali, & in obsequium Dei factæ: Tum etiam quia non convenit divinæ bonitati, immo indignum videtur divinæ munificentie, illos sanctissimos viros miraculose tanto tempore in hac vita detinere, & sine fructu metiti eos visione beatificâ tandiu privare.

E Pro parte vero negativa militat magnum inconveniens, quod videtur sequi ex sententia affirmante, nempe gratiam & charitatem Eliæ & Enoch esse superiorē, & majorem, seu intensiōrem gratiā D. Joannis Baptista, & Apostolorum; quia in tot annorum curriculis continuo mereri, auger gratiam & charitatem, quasi in infinito.

Nec valet quod aliqui dicunt ad vitandum hoc inconveniens, nimurum quod licet Enoch & Elias continuo mereantur, quia tamen carent carnis rebellione, operande difficultate, tam exiguum est illorum meritum, ut nunquam intensiores, vel æquè intensos actus charitatis eliciant, quam D. Joannes Baptista, & Apostoli, subindeque ad eorum gratiam & gloriam nunquam perveniant.

Non valet, inquam, hæc responsio: absurdum enim videtur dicere, illos sanctissimos viros, si mereri possunt secundum communes regulas aliorum viatorum, in tam longo tempore parum mereri, ideo solum quia rebellionem carnis, operandi que difficultatem non sentiunt, quasi excellentia meriti, vel omnino, vel præcipue ex his circumstantijs oriretur. Sic enim colligere posset aliquid, meritum B. Virginis non suffit excellentissimum, quia nec somitem, nec difficultatem in opere virtutis ex parte corporis sentiebat, sed solum illam quem in unoquoque opere virtutis ex objecto inerat.

Deinde ad excellentiam meriti sufficit excellētia amoris, & promptitudo voluntatis, que in illis Sanctissimi viris maxima est: Ergo etiam maximum & excellentissimum debet esse illorum meritum, supposito quod in illo statu mereantur. Unde non video quā probabilitate dici possit, illos mereri continuo augmentum charitatis, diligendo Deum, & nihilominus nunquam perventuros ad eam perfectionem charitatis, in qua possint tam intensè ipsum diligere, quam D. Joannes Baptista & Apostoli in via potuerunt: nam totum augmentum charitatis quod merentur, statim illis datur, & semper diligunt quantum per charitatem habitualem possunt, quia sine difficultate vel repugnantia amant: Ergo incredibile est, quod semper habituri sint actus charitatis ita remissos, ut nulli eorum actibus charitatis, à D. Joanne & Apostolis elicitis, aequivalere possint.

Quare unum ex his necessariò dicendum existimo, nempe vel illos sanctos viros, ab eo tempore quo in paradisum terrestrem translati sunt, non mereri, quia licet mortales sint, non sunt tamen conditionibus mortalitatis subjecti, sicut alij homines, qui lege & modo communi in corpore mortali vivunt, subindeque nec sunt proprii viatores, sed quasi medij inter viatores & comprehensores, & veluti *eternitatis candidati*, ut ait Tertullianus lib. de resurrect. carnis. Vel si ab eo tempore mereantur, eorumque meritum duret usque ad illorum mortem, quam pro Christo in fine mundi patientur, eos tunc in gratia & charitate aequatuos ipsos Apostolos, & Joannem Baptistam, subindeque in gloria & beatitudine pares illis futuros. Nec mirum, cum ipsi futuri sint secundi Christi adventus præcursoris, Apostoli, nec non Martyres ejus gloriosi, qui (ut loquitur idem Tertullianus) *Antichristum sanguine suo extinguent*. Quid horum probabilius & verisimilius sit, prudens Lector judicabit.

## ARTICVLVS III.

*An ad meritum de condigno apud Deum requiratur ex parte ipsius Dei ordinatio operis ad præmium, & an illa debeat esse extrinseca, vel sufficiat intrinseca, in voluntate conferendi gratiam ut principium meriti inclusa?*

## §. I.

*Quibusdam premissis referuntur sententiae.*

37. **S**uppono primò: quod licet apud homines requiratur promissio, pactum, ordinatio, vel acceptatio, ut meritum obliget de toto rigore justitiae retribuentem, non tamen ut meritum di-

A catur condignum præmio, aut de condigno mereri præmium: nam apud homines, ut meritum dicatur condignum præmio, solum requiritur quod sit relatum ad alterum, & in bonum illius, ut constat ex D. Thoma supra quæst. 21. art. 3, ubi ad rationem meriti erga homines, nullum requirit paclum, promissionem, aut contractum. Ratio etiam suffragatur: nam ad meritum de condigno solum requiritur jus ad præmium, juxta leges justitiae distributivæ, non tamen commutativæ: Sed ad ius ad præmium, juxta leges justitiae distributivæ, non requiritur apud homines promissio, acceptatio, vel ordinatio; nam superior distributor ante omne paclum, promissionem, vel acceptationem, tenetur respicere, & cognoscere cōdignitatem omnium eorum, quibus præmia distribuenda sunt, & talia præmia juxta proportionem meritorum ipsis distribuere: Ergo ad meritum de condigno apud homines non requiritur promissio, pactum, ordinatio, vel acceptatio: unde solum hic loquimur de condignitate meriti apud Deum.

Suppono secundò, ordinationem sive acceptationem operis meritorij ad præmium, aliam esse intrinsecam, quæ includitur in voluntate conferendi gratiam tanquam principium merendi; aliam vero extrinsecam, quæ consistit in actu positivo Dei libero, quo promittit beatitudinem gloria æternæ pro operibus supernaturalibus, à gratia & charitate procedentibus.

Suppono tertio, duplíciter posse concipi, quod requiratur promissio Dei, vel divina ordinatio ad meritum, nimirum vel tanquam ratio formalis illud constituens, vel solum ut conditio ad ejus complementum requisita. His præmissis.

Circa propositam difficultatem tres versantur Theologorum sententiae. Prima tenet n. eritum hominis apud Deum esse posse absque ordinatione divina ad præmium, tam intrinseca, seu inclusa in voluntate dandi principium merendi, quam extrinseca & isti superaddita, ac in promissione sive pacto consistente. Ita docere videntur Vazquez, Meratius, & alij ex Recentioribus.

Secunda affirmit ordinationem intrinsecam, & promissionem extrinsecam Dei, ad meritum de condigno hominis apud Deum requiri. Ita Scotus, Nominales, Suarez, Bellarminus, & alij plures, quos sequitur Aravius h̄c dubio 3. In hoc tamen isti differunt à Scoto & Nominibus, quod illi volunt meritum de condigno hominis ad Deum constitui formaliter in sua specie per præmissionem, seu ordinationem extrinsecam Dei, tanquam per rationem formalē: Suarez vero, & alij, eam duntata tanquam conditionem, meritum de condigno completem, requirunt.

Tertia sententia, quæ est communis in schola D. Thomæ, assertit ad meritum de condigno hominis apud Deum, requiri quidem divinam ordinationem operis ad præmium; eam tamen quæ extrinseca dicitur, & quæ in pacto vel promissione consistit, necessariam non esse, nec ad rationem formalē meriti, nec ad ejus complementum, sed sufficiere illam quæ includitur in voluntate dandi gratiam ut principium merendi. Ita Cajetanus, Conradus, Soto, Marcus à Serra, & alij.